

B O S N A I H E R C E G O V I N A
FEDERACIJA BOSNE I HERCEGOVINE
U N S K O - S A N S K I K A N T O N
GRAD BOSANSKA KRUPA

GRADSKI ORGAN UPRAVE

Broj: 07-11-5-5173/25

Bosanska Krupa, 18.07.2025.godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24), u konkurentskom postupku nabavke roba s namjerom provođenja e-aukcije – Nabavka ogrjevnog drveta za potrebe Gradskog organa uprave Grada Bosanska Krupa, na prijedlog Komisije za provođenje postupka javne nabavke, Gradonačelnik grada Bosanska Krupa, kao rukovodilac organa uprave donosi:

ODLUKU
o izboru najpovoljnijeg ponuđača

1. Prihvata se ponuda ponuđača **„ZeMac“ d.o.o. Banja Luka**, u predmetu nabavke roba: Nabavka ogrjevnog drveta za potrebe Gradskog organa uprave Grada Bosanska Krupa, sa cijenom u iznosu od **21.500,00 KM bez PDV-a KM**, odnosno **25.155,00 KM sa PDV-om**.
2. Ponuđač se obavezuje da u roku od 5 (pet) dana od dana zaprimanja ove Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (2) tačka c) i d) Zakona o javnim nabavkama, ukoliko iste nije dostavio u sastavu ponude.
3. Po konačnosti ove odluke sa izabranim ponuđačem iz tačke 1. Ove Odluke će se potpisati ugovor o nabavci ogrjevnog drveta za potrebe Gradskog organa uprave Grada Bosanska Krupa.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 07-11-5-5173/25 od 23.06.2025. godine. Javna nabavka je provedena putem konkurentskog postupka nabavke s namjerom provođenja e-aukcije – Nabavka ogrjevnog drveta za potrebe Gradskog organa uprave Grada Bosanska Krupa.

Obavještenje o nabavci broj: 1272-7-1-68-3-51/25 od 25.6.2025. godine - objavljeno na portalu JN (TD preuzelo ukupno 10 ponuđača). Komisija konstatuje da sažetak obavještenja nije objavljen u Službenom glasniku Bosne i Hercegovine.

Po objavljenom obavještenju rok za prijem ponuda je bio 11.7.2025. godine do 13:30 sati. Do označenog roka za prijem ponuda na protokol Ugovornog organa pristigle su 3 (tri) ponude i to:

1. **„DRVO EXPORT-IMPORT“ d.o.o. Prijedor**, zaprimljena pod brojem protokola: 07-11-5-5173-2/25 dana 7.7.2025. godine u 9:35 sati;
2. **„ZeMac“ d.o.o. Banja Luka**, zaprimljena pod brojem protokola: 07-11-5-5173-3/25 dana 8.7.2025. godine u 9:45 sati i
3. **„PRIMAPROM“ d.o.o. Banja Luka**, zaprimljena pod brojem protokola 07-11-5-5173-4/25 dana 10.7.2025. godine u 11:47 sati.

Komisija za provođenje postupka javne nabavke je u skladu sa tenderskom dokumentacijom dana 11.07.2025. godine do 14:00 sati izvršila javno otvaranje ponuda i na zapisnik konstatovala:

1. **Ponuđač „DRVO EXPORT-IMPORT“ d.o.o. Prijedor**, dostavljena ponuda uredno zapakovana i bez vidnih oštećenja, ponudio je:

cijena ponude: 23.690,70 KM bez PDV,
PDV 4.027,42 KM
ukupna cijena za ugovor: 27.718,12 KM sa PDV- om,
Nema popusta

2. **Ponuđač „ZeMac“ d.o.o. Banja Luka**, dostavljena ponuda uredno zapakovana i bez vidnih oštećenja, ponudio je:

cijena ponude: 23.661,00 KM bez PDV,
PDV 4.022,37 KM
ukupna cijena za ugovor: 27.683,37 KM sa PDV- om,
Nema popusta

3. **Ponuđač „PRIMAPROM“ d.o.o. Banja Luka**, dostavljena ponuda uredno zapakovana i bez vidnih oštećenja, ponudio je:

cijena ponude: 23.304,60 KM bez PDV,
PDV 3.961,78 KM
ukupna cijena za ugovor: 27.266,38 KM sa PDV- om,
Nema popusta

Komisija konstatuje da su ponude ponuđača „DRVO EXPORT-IMPORT“ d.o.o. Prijedor, „ZeMac“ d.o.o. Banja Luka i „PRIMAPROM“ d.o.o. Banja Luka potpune i ispravne u formalno-pravnom smislu (ponuđač dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze), računski tačne i u okviru procijenjen vrijednosti.

S obzirom na navedeno Komisija predlaže ugovornom organu da zakaže e-aukciju sa kvalifikovanim ponuđačima, i to: „DRVO EXPORT-IMPORT“ d.o.o. Prijedor, „ZeMac“ d.o.o. Banja Luka i „PRIMAPROM“ d.o.o. Banja Luka, u skladu s Pravilnikom o uslovima i načinu korištenja e-aukcije (“Službeni glasnik BiH” broj 80/23).

Provođenje e-aukcije je zakazano za dan 16.7.2025. godine sa početkom u 11:00 sati i ista je trajala od 11:00 sati do 11:14 sati. Na osnovu izvještaja o toku i završetku e-aukcije utvrđeno je da je konačna rang lista ponuđača sljedeća:

- Rang 1. „ZeMac“ d.o.o. Banja Luka**, konačna cijena ponude iznosi **21.500,00 KM bez PDV-a**, pa ukupna cijena ponude iznosi **25.155,00 KM sa PDV-om**, (početna cijena ponude umanjena za 9,13%);
- Rang 2. „PRIMAPROM“ d.o.o. Banja Luka**, konačna cijena ponude iznosi **21.900,00 KM bez PDV-a**, pa ukupna cijena ponude iznosi **25.623,00 KM sa PDV-om**, (početna cijena ponude umanjena za 6,03%);
- Rang 3. „DRVO EXPORT-IMPORT“ d.o.o. Prijedor**, konačna cijena ponude iznosi **23.265,00 KM bez PDV-a**, pa ukupna cijena ponude iznosi **27.220,05 KM sa PDV-om**, (početna cijena ponude umanjena za 1,8%).

Komisija konstatuje da je procijenjena vrijednost javne nabavke **23.691,69 KM bez PDV-a, odnosno 27.719,28 KM sa PDV-om.**

Nakon uspješno završene e-aukcije sa kvalifikovanim ponuđačima, a s obzirom da je kriterij za dodjelu Ugovora „najniža cijena tehnički zadovoljavajuće ponude“, da je cijena prvorangirane ponude **u vrijednosti 21.500,00 KM bez PDV-a odnosno 25.155,00 KM sa PDV-om**, u okviru procijenjene vrijednosti predmetne nabavke, Komisija za provođenje postupka javne nabavke predlaže

Ugovornom organu da donese Odluku o izboru najpovoljnijeg ponuđača, i to prvorangiranog ponuđača „ZeMac“ d.o.o. Banja Luka i zaključi Ugovor.

S obzirom da je kriterij za dodjelu Ugovora „najniža cijena tehnički zadovoljavajuće ponude“, da je ponuda prvorangiranog ponuđača „ZeMac“ d.o.o. Banja Luka, u okviru procjenjene vrijednosti predmetne nabavke, Ugovorni organ je prihvatio prijedlog Komisije, pa je odlučeno kao u dispozitivu Odluke.

Pouka o pravnom lijeku

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obradivač:

Dinka Mahmić

Dostavljeno:

1. „ZeMac“ d.o.o. Banja Luka, putem e-maila
2. „PRIMAPROM“ d.o.o. Banja Luka, putem e-maila,
3. „DRVO EXPORT-IMPORT“ d.o.o. Prijedor, putem e-maila
4. U spis
5. a/a

